

Lider di AVP, Mike Eman ta muestra con cu medidanan:

Costo di bida a bira impagable

Pueblo no po carga peso mas



ORANJESTAD (AAN)— Mester bin un alivio pa nos hendenan. Costo di bida a bira impagable. Medidanan di gobierno a aumenta tur cos. Comestible, awa, luz y gastonan coriente a bira impagable pa hopi.

Esaki ta un punto di preocupacion grandi den pueblo cu Plan Aruba di AVP ta duna hopi atencion na dje. Lider di AVP, Mike Eman ta dialoga cu empleadonan den nos pais con AVP y Plan Aruba lo bay controla costo di bida y trece un alivio.

Empleadonan combersando cu Mike Eman a muestra cu e mesun dolor aki nan a pasa aden despues di añanan di gobernacion di MEP na aña

1994. E tempo ey tambe AVP a bin cu e plan pa redobla pensioen y MEP tabata contra.

E lider di AVP, Mike Eman a muestra riba diferente punto

importante di Plan Aruba.

AVP tin programa social special den Plan Aruba pa esnan di menos recurso. E programa social lo worde dirigi riba e nucleo di famia y

futuro di nos muchanan. Lo introduci un sistema di compensacion pa gastonan di cuido di yiu (kindertoeslag) y di vivienda (woonkosten toeslag) pa esnan di menos recurso.

Mike Eman a splica cu e "toelage" aki ta worde emiti directamente na esnan cu ta cai bao di cierto entrada. Nan lo haya segun calculacion un suma pa yuda carga den e gastonan. "Nos a haci un analisis di presupuesto y unda nos ta bay reduci y controla gasto pa crea e espacio pa por yuda esnan di menos recurso", a bisa.

Hopi importante Eman a considera e pension general pa tur trahador. Esaki e lider di partido a splica ta parti importante di Plan Aruba. 75% di nos empleadonan no tin un pensioen otro cu AOV. Esaki no por keda asina. Ehecucion di Plan di Aruba ta bay percura pa introduci e pensioen general. Esaki lo worde sera cu e companianan di seguro y esnan publico cu lo ofrece e paketenan di

seguro. E pensioen aki por worde traspasa tambe si e empleado cambia di trabao. Esaki ta trece seguridad pa e empleado cu ora e termina cu carera laboral e lo tin su AOV y tambe su pensioen cu e a crea durante añanan cu contribucion di e doño di trabao.

Tambe Mike Eman a bisa cu ta mantene edad di pensioen (AOV) na edad di 60 aña. Esaki ta algo cu por worde realiza door di atende den un forma serio cu e retonan cu tin pa e desaroyo di edad di poblacion.

Empleadonan den combersacion cu e lider di AVP a muestra cu nan ta considera Mike Eman como e lider amigo. Nan a mira con Mike Eman a lucha e 4 añanan aki cu alma y curpa pa defende esnan perhudica den nos comunidad. Esaki ta locual ta resalta den e forma con mester bay goberna, pasobra Aruba merece mihor.

OP EIGEN BENEN STAAN!!



LAS AMERICAS

(Near Burger King)
Playa (Caya Grandi)
Tel: 582-1576



**Maletin
duro pa scol
Afl. 45,=**